

Prompt 1:

Translate the following Latin text to English

Aristotels magister bonus multōrum virōrum erat. Philosophiam et scientiam nātūrālem docuit. Quod Aristotelēs erat clārus et magister bonus, Philippus, rēx Macedoniae, Aristotelem probāvit. Philippus fīlium habuit, Alexandrum, puerum bonum et amīcum. Philippus clārō magistrō Aristotelī puerum Alexandrum mandāvit:

“Docē fīlium meum, philosophe.”

Aristotelēs semper amīcus Alexandrō erat, et Alexandrum nōn terruit. Aristotelēs Alexandrum dē philosophiā et dē Homērō, poētā clārō, docuit. Alexander Homērum amāvit et laudāvit, sed philosophia erat disciplīna dūra et longa. In agrō Alexander equum novum habuit. Alexander agrum et equum spectāvit, et Aristotelī nūntiāvit:

“Vidē, magister, agrum grātum. Casam tuam nōn amō. Docē mē in agrō. Puer sum, nōn vir. Puer līber sum, fīlius Philippī, nōn captīvus tuus. In agrō Homērum et glōriam virī magnī Achillis memoriae mandābō.”

Aristotelēs in agrō Alexandrum docēre parat. Sed ubi est puer Alexander? Alexander ad silvam equum incitat. Līber est! Magna erat īra Philippī, sed in philosophō amīcō nōn erat īra. Philippō Aristotelēs nūntiat:

“Puer nōn malus est. Puerī nostrī sacrī sunt; puellae nostrae sacrae sunt. Puerīs nostrīs reverentiam magnam dēbēmus. Alexander bonus est et magnus erit.”

Et erat Alexander magnus. Multās terrās occupāvit. Semper fāmam Achillis memoriā tenuit.